

Imisebenzi yasekhaya

IsiXhosa

Inqanaba

4B



NguNangamso kaNomaHlubi-Koza
noBomikazi Njoloza



Ulwazi
Lwethu

Imisebenzi yasekhaya

IsiXhosa

Inqanaba: 4B

ISBN: 978-1-77981-405-0

© 2023 Ulwazi Lwethu African Languages Literacy Project

Umbhali: nguNangamso kaNomaHlubi-Koza noBomikazi Njoloza

Uhlelo: nguBulelwa Galada

Imifanekiso: nguElizma Meyer

Uyilo: Rock Bottom Graphic & Design

Uhlelo lokuqala lohicilelo 2023

Ushicilelo lwe10 9 8 7 6 5 4 3 2 1

Unyaka wama2027 2026 2025 2024 2023

Imisebenzi yasekhaya



**NguNangamso kaNomaHlubi-Koza
noBomikazi Njoloza**

Umzi ngamnye unendlela yawo yokwenza izinto. Kusapho ngalunye umntu uba noxanduva lokwenza umsebenzi othile. Maxa wambi kuyancediswana, maxa wambi umntu uzimela yedwa kumsebenzi oluxanduva lwakhe. Le misebenzi ayisoloko ithandeka, kodwa kufuneka yenziwe rhoqo. Eminye yale misebenzi iquka le ilandelayo.



Ukusenga



Xa imazi
yenkomo
izele iba
nobisi
lokwanyisa
ithole layo.

Ubisi
luphuma

lunomthubi onceda ithole ngezondlo. Iinkomo iye isengwe ukuze kufunyanwe ubisi. Inkomo emqhelileyo umsengi ayidingi kubotshwa. Inkomo engamqhelanga umsengi okanye endlongondlongo iye ibotshwe amanqina ayo angasemva. Oku kwenzelwa ukuba ingakhabi ibhekile ekusengelwa kuyo.

Umsengi uhlala kwisitulo usoze. Uye aqale ngokuhlamba iingono zenkomo ukuze ubisi lungabi mdaka. Akugqiba, uthatha ibhekile ayibeke phantsi kwamabele enkomo asenge. Umsengi ngamnye unendlela asenga ngayo aze aqinisekise ukuba uyalishiyela ithole.

Ukusila umbona



Umbona usilwa xa kusenziwa umgubo Usilwa elityeni elicocekileyo, kusetyenziswa ingqanda engenkulu. Kugalelwa umbona omncinci kwilitye ekuzakusilelwa kulo. Ingqanda yokusila isetyenziselwa ukucinezela ityumze umbona oselityeni.

Izandla zimane zisehla zisonyuka zicinezele ingqanda ecubha umbona isenza umgubo. Lo mgubo kuphekwa ngawo izityo ezahlukeneyo. Iinkukhu ziyawuthanda umgrayo. Lo ke ngumbona osilelwa amantshontsho enkukhu.



Ukungqusha

Ukungqusha yindlela yokwenza umgubo wombona ngokubetha umbona ugubeke. Isingqusho sisiphunzi somthi esixholwe ngendlela ethile, senziwa sanomngxunya omde otsolo. Umbona ugalelwa kulo mngxunya ubethwe ngesingqusho esomeleleyo sentsimbi de ube ngumgubo.

Ukusinda

Ukusinda yindlela ekucoywa ngayo umgangatho wendlu. Kusetyenziswa ubulongwe benkomo obudityaniswe namanzi. Kufuneka bungabimanzi kakhulu ubulongwe. Xa sele bulungile, bugalelwa phantsi kumgangatho wendlu, kusetyenziswe isandla ukucoca indawo.





Ukurhida

Ukurhida yindlela ekungcitywa ngayo umgangatho wendlu kusetyenziswa ubulongwe benkomo obudityaniswe nomhlaba. Emva kwexesha elithile, umgangatho uye wonakaliswe zizihlangu kunye nefenitshala. Ukurhida kunceda ngokuhlaziya ubutsha bawo.

Ukutyabeka

Xa kutyabekwa kudityaniswa ubulongwe benkomo nomhlaba. Kutyabekwa udonga lwendlu ngaphandle. Umxube wokurhida nokutyabeka uyafana. Aluthambi kakhulu udaka lokutyabeka. Kufuneka luhlale luncamathele xa lubekwa eludongeni. Kusetyenziswa isandla ukuqaba udaka ukuze lubukeke. Maxa wambi abantu basebenzisa ukutyabeka xa besenza imizobo emihle kudonga lwendlu.





Uketheza

Uketheza ngumsebenzi wokwandisa igoqo lekhaya ngokugawula imithi ehlathini. Xa kusiyiwa kutheza kuphathwa izembe, isarha, ingubo yokuncekelela neentambo zokubopha. Omnye wemithi ekhawulezayo ukuvutha nenomlilo ohlalayo nguMnga. Maxa wambi abantu baye bathi nokuba sele betheze eminye imithi, bawutheze noMnga ukuze baphembe ngawo.

Xa abantu betheza bakhangela imithi esele yomile, yona igawuleka msinyane. Umthi uyasarhwa uze ube ziintonga ezithwaleka entloko. Ezi ntonga zibotshwa ngeentambo zingcekelelwe. Ukungcekelela kukuthwala into entloko, uhambe ungayibambanga ngasandla, ingawi kodwa yona.





Ukurhela

Ukurhela kukusika ingca yokufulela ngerhengqe. Igama lengca esetyenziswayo xa kufulelwa lidobo. Iyingca ende erhabaxa eyomeleleyo. Iye ilindwe de ibe neenkanga phambi kokuba irhelwe. Le ngca iye yomiswe elangeni de yobe nebala layo libe mdaka. Iye ithungwe ukuze kufulelwe uphahla lwendlu.

Yeyiphi imisebenzi yasekhaya oyenzayo
noyithandayo? Yeyiphi ongayithandiyo
nekukruqulayo?

Ikhona imisebenzi yasekhaya onomdla
wokuyifunda?





**Ulwazi
Lwethu**

Readers

Inqanaba 1

1. Izandi ezizikhamiso
2. Izandi ezingamaqabane (b-j)
3. Izandi ezingamaqabane (k-r)
4. Izandi ezingamaqabane (s-z)
5. Vula, vala, vakala
6. Ukubala amagubu
7. Imbalela
8. Uziva njani uZazi?
9. UNunu noBobo
10. Idonki
11. Ipesika enkulu
12. UVuxa uthanda ucoceko
13. Isuphu emnandi
14. Amawele aluncedo
15. Qaphela Cokisa
16. USazi ufuna ukupeyinta
17. Ibululu esibayeni
18. UVela noVutivi
19. Iyakwazi ukubhabha

Inqanaba 2

1. Umlilo
2. UKhabo nesigcawu
3. Ubuya nini uTata?
4. Mini emnandi Zazi
5. Amantombazana alusayo
6. Masonge amanzi
7. Iinwele ezinkulu
8. Basefama
9. Isifo seehagu
10. Usapho lwam
11. UKhosi uxakekile
12. Lina libalele
13. Ukonga uTatomkhulu
14. Ubomi bam basefama
15. Konke ngeetapile
16. Imvumi yodumo uMirriam Makeba
17. UNTombi ubhaqa isela
18. IShibhelani kaKulani

Inqanaba 3

1. Soweto
2. Isipho esothusayo
3. Andigithandi imifuno
4. UKhazi nombala obomvu
5. Izipho
6. Umjikelo wobomi besele
7. Uthando lwamawele
8. Umnyama kaNyansio
9. UPhumu owonwabileyo
10. Umnqweno kaLunje ufezekile
11. UMoli neekhrikethi
12. Uleqa phi Wenzile?
13. Amaqanda kaZodwa adukileyo
14. Isidudu esimnandi
15. Iinyosi
16. Ingwenya enentiyo
17. Amaxesha onyaka
18. Zinkulu kum
19. Isonka sikaNomsa
20. UMBali noBuhle

Inqanaba 4

1. Impindezelo yenkunzi
2. Icebo elihle likaNtjigiso
3. Ibhola elahlekileyo
4. Batyelela umzi wogcino zilwanyana
5. Idyasi eguquliweyo
6. Ubuchule bukaNcinci
7. Badlala kuyo nayiphi imozulu
8. Imisebenzi yasekhaya
9. Ilokhwe entle
10. Umlimi uNtsika neenkawu
11. Amanzi ndawo yonke
12. Ubugqi bembewu
13. UPhila wonzakele
14. Isityalo esiphilisayo
15. Iindlela zabantu baseVenda
16. UQhawe uyalazi ixesha
17. Ugqirha uSooliman olungileyo
18. Amakhwenkwe akrelekrele
19. Iindlela zothutho
20. UGcina uzigcina esempilweni

Inqanaba 5

1. Isiqalo esitsha
2. Inguqu kaNondwe
3. Intombazana ekrelekrele
4. Umsesane weXhalanga
5. Umdlali obalaseleyo
6. UThobile nezihlangu ezintsha
7. Imilambo yaseMzantsi Afrika
8. Imithi yaseMzantsi Afrika
9. Uphelwe ngamanzi emzimbeni
10. Singcamla incasa yaseVenda
11. Utata wethu, umgcini wezilwanyana
12. Umkhuhlane
13. UNomadlakadlaka oligorha
14. Ingxaki egadini kaMakhulu
15. UStovi noStali
16. Iphupha likaSiviwe
17. Isihlangu esihle
18. UThwasa uphuthelwe
19. Ukulima
20. Ubuhlobo bokwenene
21. Umlobi

ZENEX
FOUNDATION


MOLTANO
INSTITUTE FOR LANGUAGE AND LITERACY
EST. 1974



Ulwazi Lwethu yinqubo esekwe ngenkxasomali yiZenex Foundation ukuvelisa uluhlu lweencwadi zokufunda nezinye izixhobo zokufundisa. Le nkqubo ijolise ekufundiseni nasekuxhaseni ukuphuhla kwesakhono sokufunda nokuqonda ulwimi lwasekhaya kubafundi abakumabanga aphantsi. Ezi ncwadi zihleliweyo zisungulwe ngeelwimi ezilithoba zaseMzantsi Afrika ngentsebenziswano phakathi kwamaqumrhu iMoltano Institute for Language and Literacies, iNelson Mandela Institute for Education and Rural Development, iRoom to Read South Africa neSouth African Institute for Distance Education. Zonke ezi zixhobo ziveliswe njengesibonelelo semfundo evulelekileyo nefumaneka simahla, iOpen Education Resources (OER) ngelasemzini.

Nceda undwendwele iwebhusayithi yethu ukuze ufumane ushicilelo olupheleleyo lwale ncwadi : ulwazilwethu.org.za



Creative Commons Attribution-
NonCommercial-NoDerivatives
(CC BY-NC-ND) 4.0
International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

